

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

II.

[urn:nbn:de:bsz:31-122751](#)



I.

S. D. Reverende & clarissime vir, frater carissime.

Quas te mercatoribus Brunsuicensibus literas dedisse scribis, nondum mihi redditæ sunt. Quod meas, Spirâ, serâ & non bonâ fide allatas, ostendis, doleo. Adjunxeram enim Carmina, ex Iconum D. Reusneri libro descripta, versibus quibusdam & ordine Epigrammatum mutato. Distichon enim Effigiei adscriptum ita retexui:

Cum Davide DELL M celebrem: teneraq; juventu-

Doctrinâ profim: carus & ipse DEO.

Id mihi modestius & verecundius vistum priore:

Tot meritis clarus sanctuq; laboribus, &c.

Quod si Carmina illa, Iconum libro inferenda, non recepisti, denuò descripta, per nondinas Francofurdia mittam. D. Cl. V. M. Josephi Langii amicitiâ mihi conciliatâ summas tibi gratias ago, ac vicissim illi proximâ occasione respondebo. Cl. V. D. D. Obrechto Chronicon superioris anni M D X C. alterum tibi mitto. Ad Jobinum rescripsi. Benè & feliciter vale. Postridiè Valentini, 15. Febr.

De Bernardo Jobino doceri cupio, an ipse sumptus editionum faciat.

David Chytraeus.

II.

S. in Domino Iesu Christo, Reverende & doctissime Do-
mine Doctor, frater in Christo suavissime.

Non equidem non ægrè ferre possum, quod rarius per literas colloqui possimus. Delitesco hic domi, ut claudus sutor, & cum in populosâ degam civitate, tamen, more Antonii, in eremo mihi habitare video. Legendo & scribendo taxidium otii in nimis diuturno exilio vix lenire possum. Literæ fratrum & amicorum paucorum quidem (*αρχαὶ enim ἀδεσφαί*) magno tamen, quoties mittuntur, solatio sunt. Inter has tuas creberrimas videre vellem, neque illas sine responso acce-

uuuu 3

ptu-

pius essem, imo & tuas evocarem crebrius, si tabellariorum commodorum facultas daretur. Parum abesse reor, quin annus effluxerit integer, cum nullas abs te literas acceperim, neq; illas ad te mittere potuerim. Merito nos invicem excusatos habemus, cum promptæ voluntati internunciorum desit obsequium, latu autem interim difficile & molestum est. Spero autem, te cum conjugè & liberis tuis rectissime valere, & res tuas omnes in optimo statu versari, sicut ardentibus votis in quotidiani meis ad DEUM precibus, & tibi & omnibus meis benefactoribus, dulcibusq; in Christo fratribus, impetrare studeo. Ego, ut arthriticus, jam mediocreter, completo nunc, DEO sit laus, sexagesimo etatis meæ anno, valeo, meiq; liberi & uxor limiliter. Annonæ caritas inopiam facilè nobis facit ex copia, quam bonorum piezas suggererat: sed speramus in Domino, qui suorum pastor est, nec vel animam vel corpus fame perire patitur. Novembri Mensē despōndi meam filiam Annam vitro honesto, Johanni Soldano, artium liberalium Magistro, qui Hoffmanni nostri Jo. Friderici filios & domi & in Italia aliquando instituit, & Theologizæ valde Studioius est, ministerq; Evangelii, ut spero, vel in Austria vel in Stiria futurus. Dicebat is, se apud tuam Humanitatem fuisse Clagenfurt, ab eaq; literas ad me transmittendas accepisse, sed per errorem postea Viennam perlatas, ubi adhuc harcerent, & reversum se domum, curaturum, ut reciparet & mihi mitteret, quod nondum est factum. Ex quo enim hinc discessit in Stiriam, neq; sponsæ neq; mihi illas scriptis literas. Spero autem fore, ut propediem scribat, & quo die nuptias sibi fieri cupiat, indicet. Spero fore, ut & te in illis nuptiis videam. O, mi frater, si possem tibi cor meum effundere, quām afflictum illud videres, ob hoc, quod tam diu in exilio detineor, nec in vineam Domini ad labores publicos revocor. Sæpè video mihi à DEO ipso rejectus, qui me nolit amplius inter suos habere operarios. Nisi hac Ecclesia tam misérè lacerata & ~~καίφαστη~~ facta esset (nolunt enim, ut fertur, & quidem de consilio Doctoris Jacobi Andreæ p. m. deinceps alere pastorem aut Superattendentem, sed consul etiam pastor & Superattendens, & consistorium in curia erit, cuius exemplum ex Argentinensi Ecclesia laudatur) nisi talis mutatio hujus Ecclesiz facta esset, haud dubiè mihi locus in ea docendi datus esset. Nunc autem, ut Megaren sis, nulla mei habetur hic ratio, nec etiam aliunde opera mea petitur, senectus, imbecilla præsertim, in Saxonie & alibi amicorum conatus retudit. In ducatu enim Lueburgensi cum decretum in consistorio esset, ut ad Superattendentiam amplam vocarer, quidam intervenientes dixerunt, me propter podagricam senectutem tam amplum munus administrare non posse. Hisq; obtemperantes consistoriales, ad aliud illud munus transtulerunt. Credo igitur, mihi in hac mea pathmo esse morendum. Sed sancta DEI voluntas fiat. Scripsi tibi, fidelissimo fratti & amico (in quo hanc fiduciam merito locatam habeo, quod meos conatus, quibus Ecclesia professe cupio, juvare & promovere studeas) scripsi, inquam, eo animo, tibi ante bennum, me Hebraicam veritatem in Lutheri versione Bibliorum rectè expressam de-

mon-



monstrare conatum ante multos annos, & ejus rei causa commentarios quosdam scripsisse, quos recognoscere & absolvere ante vitæ meæ finem percupiam, & cum in exilio nunc verser, forsitan opportunum illum fore laborem, si mihi Obadiæ contingerent, quorum beneficio victum & subsidia ad illum laborem habere possem. Accederent forsitan nova latina versio, & utiles quædam annotationes, quod totum mellificium meum libenter tuo & tui similium doctissimorum & pietate præstantium virorum judicio subjecturus essem. Etsi autem haec tenus à nullo, præterquam à te, spes aliqua auxilii & intercessionis apud præclaros Mecænates facta est, tamen ejus laboris præludium quoddam hoc anno typis Laugingensibus subjici. Libellum sc. Salomonis proverbiorum in locos communes digestorum, cum duplii latina translatione, una veteri correcta, altera ex Lutheri germanica translata. Cumq; typographus, propter inopiam, sumptus ferre nequiret, ego impensis dedi, pro singulis sc. octonariis binos florenos, ita ut summa impensa ad florenos septuaginta pervenerit. Habet enim liber ad 35. octonarios complicatorum foliorum. Ne igitur nimis exhaustirer, dedicavi librum illum tribus consociatis nostris provinciis, ob causas iis potissimum delectis, quas in dedicatoria epistola explicavi. Ubi igitur librum illum (sicut intra mensem expecto) accepero, mittam exemplaria ad proceres, & epistola etiam tuam in me benevolentiam de nova intercessione solicitabo. Sed & hac mihi viam ad te præparo, orans & obtestans, ut veterem amorem etiam ad hunc mihi fructum proferendum exuscites. Non peto copiam proceres gravantem, sed ita meam inopiam relevantem, ut ipsorum ærario nullum incommodum afferat, & opus in schola & Republica datum beneficium pulchre compenset. Si saltem impensis recepero à tribus illis provinciis, contentus ero. Exempla sunt 500. Si in tres suas scholas distribuere vellent, omnia mitterem. Facias me quæso certiore, quod tuum sit in hac parte consilium, & si quan voluntatem Dominorum animadverteris. Forsitan gravabuntur, cum proximè acceperim amplum munus: sed si causæ dedicationis, in dedicatoria epistola explicatae, illis expositæ fuerint, & simul innotuerit, quod exiguum tantum ad impensas compensandas petam, benigna voluntate accipient.

Ut haec tibi scriberem, DEUS mihi optimum hunc virum D. Theodorici Rosini, hinc cum fratribus expulsi, generum, civem Lengefeldensem in puriore Palatinatu, doctum & syncerum, dedit nuncium. Eum ut, propter me, amanter amplectaris, rogo. Habet in Stiria & Carinthia ardua negotia, sicut ipsemet tibi significabit. Indigebit prætoris provincialis & aliorum Dominorum opera. Experieris eum optimum esse virum.

Nihil jam restat, Clarissime D. D. & Compatre venerande, quam ut generosum Dominum Paulum à Danhausen, prætorem provincialem, & generos. Dn. Ludovicum à Dieterichstein, & alios cum suis conjugibus: item Dn. M. Paulum Obendorferum, Dn. Pastorem, in primis tuam honestissimam conjugem ex me &

mea.

mca conjugē honorificē & amanter in Christo salutes, & ipse nobis & Christo ad annos Nestoreos prosperrime vivas. Data Ratisponæ, 27. Februarii, anno 1590.
juxta veterem calculum.

R. Claritatis tua

Observantissimus

Jeremias Hombergerus, D.

Mitto tibi chartam gratulatoriam expulsi hinc M. Abrahami, nunc Jenæ exulan-
ties, ut videoas, quales viros hæc Ecclesia amiserit per turbam usurpatam.

III.

S. D. *Magnifice & clarissime D. Doctor.*

ILLUSTRISS. Princeps meus Ulricus, dux Megapol. amicinæ suæ Urulæ, Abbatissæ Ribnicensi, monumentum erigi curat, cui uifato principum more, sedecim avorum nomina cum insignibus effigi ex marmore curat. Deest autem nobis ex sedecim abavis, unica Jacobi Marchionis Badensis conjunx, quæ, quo nomine, & ex qua gente orta fuerit, ignoramus. Ad te igitur, velut ad sacram ancoram configimus, ac ut nomen uxoris, & familiam illius nobis indices, rogamus. Memini aliquando te mihi integrum Marchionum Badenium Genealogiam cum singulorum conjugibus promittere. Id si nunc tibi prestare vacat, pergratum erit: Si secus constitutum est, Jacobi tamen illius ab Aenea Sylvio adeo honorificè celebrati, conjugem & familiam, ex qua orta est, indicabis. Nostra tibi studia & officia vicissim cum omni observantia constabunt. Benè vale. 20. Martii, Anno 1590.

David Chytræus.

Inscriptio.

*Magnifico & clarissimo viro, D. JOANNI PISTORIO,
Artis Medica Doctori, & Marchionum Badenium Arbi-
stro, Domino suo.*

IV.

*Gratiam & pacem à DEO patre nostro, Jesu Christo, Domino nostro, Reverende &
doctissime D. D. Compater honorande.*

ET si nihil amplius, ad te, quod scriberé, habebam, tamen cum hic mihi tabellarius operam suam offerret, nolui eum vacuum remittere, cum præterea dicteret, sc ad te